

THULAGANYO YA TSAMAISO YA LAESENSE YA MOEPO AFORIKA BORWA

LAESENSE

Ditshwanelo Tsa Go Dira Ditlhotlhomiso Le Moepo

MOFUTA WA SEDIRISWA

Diminerale Tsotlhe

SELEKANYO

Magareng Go Ya Go Botona-Seelo

BADIRAGATSI



Modirakopo (Moepi)



Lefapha la Metswedi ya Diminerale le Maatla



Molaodi wa Kgaolo (ka fa tlase ga Lefapha la Metswedi ya Diminerale le Maatla)



Komiti ya Kgaolo ya Tlhabololo ya Meepo le Tikologo



Kantoro ya Diminerale le Ditettlelo tsa Dipeteroleamo

Tsamaiso ya phitlhelelo ya tshwanelo ya go dira ditlhotlhomiso mo Aforika Borwa le tsamaiso ya go bona tshwanelo ya moepo di ka mokgwa o o tshwanang. Tokomane eno e tlhalosa ditiragalo tsotlhe di le pedi.

Molao wa Tlhabololo ya Metswedi ya Diminerale le Dipeteroleamo (MPRDA) o tlhalosa le go laola ditiragalo di le pedi.

Tona ya Metswedi ya Diminerale le Maatla e aba tshwanelo ya go dira ditlhotlhomiso fa kopo e latela ditlhokego tsa semolao tsa Karolo 17 ya MPRDA . Tona yone eo e neelana ka tshwanelo ya go epa fa kopo a latela ditlhokego tsa Karolo 23.

Tshwanelo ya go dira ditlhotlhomiso e amogelesegile dingwaga di le tlhano mme e ka ntshwafadiwa nako e e sa feteng dingwaga di le tharo. Tshwanelo ya go epa e tseba tirisong ka letlha la tsenyotirisong leo ditshwanelo di abiwang ka lone. E ka sekasekiwasešwa mabapi le dinako tse ditelele, tse di sa feteng dingwaga di le 30 mo nakong e le nngwe.

Karolo 104 (1) ya MPRDA e neelana ka tlhagiso ya kabo ya " tshwanelo ya kgalhegelo ya go dira ditlhotlhomiso kgotsa go epa" kwa baaging ba setso go dira ditlhotlhomiso mo lefatsheng la baagi.

Ntlha e e kgethegileng ya tshwanelo ya go dira ditlhotlhomiso ke molawana wa ' e dirise kgotsa e ile go go latlhegela', e e tlhalosang gore mong wa tshwanelo ya go dira ditlhotlhomiso o tshwanetse go simolola ditiragalo tseo mo malatsing a le 120 morago ga letlha leo tshwanelo ya go dira ditlhotlhomiso e tsennngwang tirisong.

Mo godimo ga moo, go latela Karolo 20 ya MPRDA, motshodi wa tshwanelo ya go dira ditlhotlhomiso a ka tlosa le go latlha minerale nngwe le nngwe e e fitlhetsweng ka nako ya ditiragato tsa ditlhotlhomiso ka dikelo tseo di ka tlhokegang go dira diteko, go e supa le go e sekaseka.

GO DIRA DITLHOTLHOMISO & MOEPO

DIKGATO

BADIRAGATSI

1 DIRA KOPO

Modirakopo yo o dirang ditlhotlhomiso kgotsa go epa o ile go dira kopo ka tiriso ya mafaratlhatlha a inthanete (Mafaratlhatlha a Tsamaiso ya Metswedi ya Diminerale tsa Aforika Borwa, SAMRAD). Go latela Molao wa Tlhabololo ya Metswedi ya Diminerale le Dipeteroleamo (MPRDA), kopo ya tettlelo ya tikologo e tshwanetse go diriwa ka nako e le nngwe mo mafaratlhatlheng a inthanete.



1.1 Mmogo le kopo, modirakopo o tshwanetse go duela tefiso e e sa busetsweng ya go dira kopo.

1.2 **KAMOGELO** Kopo e latela ditlhokego fa e akaretsa ditokomane tsotlhe tse di tshwanetseng, fa go sena motho yo o mongwe yo o nang le lekwalletla. Molaodi wa Kgaolo (motlhankedi yo o neilweng dithata ka fa tlase ga Lefapha la Metswedi ya Diminerale le Maatla) o ile go itsise modirakopo ka go mo kwalela mo malatsing a le 14 go netefatsa gore kopo e amogetswe e bile e a sekasekiwa.

1.3 **GO GANEDIWA** Fa modirakopo a sa neelana ka ditokomane tsotlhe tse di tlhokegang, kopo e ile go ganediwa. Molaodi wa Kgaolo o tshwanetse go itsise modirakopo ka go mo kwalela mo malatsing a le 14 a kamogelo ya kopo.

1.4 Molaodi wa Kgaolo o tshwanetse mo malatsing a le 14 a kamogelo ya kopo, a itsise modirakopo ka go mo kwalela go ikgolaganya le mong wa lefatsheng, yo o leng mo go lone kgotsa ditokololo tse di nang le kgalhegelo kgotsa tse di amegang; le go neelana ka leano la tsamaiso ya tikologo.



THULAGANYO YA TSAMAISO YA LAESENSE YA MOEPO AFORIKA BORWA

2 IKGOLAGANYO LE BAAGI

Motsamaisi wa Kgaolo o ile go aba Kitsiso ya Karolo 10 ya MPRDA, e e laelang Modirakopo go itsise ditokololo tse di nang le kgatlhego le tse di amegang ka ga kopo e e tshisintsweng le go amogela ditshwaelo go tswa kwa go bone.



2.1 KGANETSO Mo nakong ya kganetso ya Kitsiso ya Karolo 10, e ile go romelwa kwa Komiting ya Kgaolo ya Moepo le Tlhabololo. Kopo e ka amogelwa le go ganediwa ke RMDEC. Fa e ka amogelwa, e latela dikgato tse di umakilweng ka fa tlase.



2.2 Modirakopo o tshwanetse go itsise ka go mo kwalela le go rerisana le mong wa lefatshe, yo o leng mo lone semolao le ditokololo tse dingwe tse di amegang le go neelana ka dipholo tsa ditherisano tse di umakilweng le Motsamaisi wa Kgaolo malatsi a le 30 go simolola ka letlha la Kitsiso ya Karolo 10.



2.3 Mmogo le tse di umakilweng fa godimo, Modirakopo o tshwanetse go aba dipegelo tsa tikologo.

3 TSHEKATSHEKO

Molaodi wa Kgaolo o ile go sekaseka kopo go latela ikobelo ya Karolo 17 (malebana le dikopo tsa go dira ditlhotlhomiso) kgotsa Karolo 23 (mabapi le dikopo tsa meepo) ya MPRDA. O ile go sekaseka bokgoni jwa matlotlo le jwa setegeniki, Tshekatsheko ya Ditlamorago tsa Tikologo jj, jaaka di supilwe mo dikarolong tse di tshwanetseng tsa molao.



3.1 Molaodi wa Kgaolo o ile go fetisetsa kopo kwa go Tona ya Metswedi ya Diminerale le Maatla go e sekaseka mo malatsing a le 14.

4 KATLENEGISO YA LAESENSE

MATSATSI A LE 60

Mo malatsing a le 30 a kamogelo ya kopo Tona ya Metswedi ya Diminerale le Maatla o tshwanetse go itsise modirakopo ka go mo kwalela gore o atlenegisa kgotsa o ganetsa kopo.



4.1 Fa e letleletswe, modirakopo o tshwanetse go aba lekwatotetla la moepo gore le kwadisiwe kwa Kantorong ya Dikwadiso tsa Diminerale le Ditetelelo tsa Peteroleamo mo malatsing a le 60 morago ga gore lekwatotetla le abiwe. Tshweetso e ile go tsenyeletswa mo Mafaratlhatlheng a Cadastre.



5 DITIRAGALO TSA GO DIRA DITLHOTLHOMISO LE MOEPO DI KA SIMOLOLA

